



Meeqqat tamarmik naleqarput

Alle børn er værdifulde

All children are valuable

Tusagassiorfinnut Nalunaarut

15. november

2021

MIO: Meeqqat inuusuttullu tarnikkut ajornartorsiortut tarnikkut ikiortariallit inersimasunit paquminarnera akornusersorpaa

"Inersimasut akornanni tarnikkut ajornartorsiuteqartut paquminartinneqangaatsiarput paasinnittooqarpiaranilu, taamamat meeqqat inuusuttullu tarnikkut ikiortariallit annertuumik eqqugaasarput, taamatut oqarpoq Meeqqat Illersuisuat Aviâja Egede Lynge.

Meeqqat inuusuttullu ilungersunartumik ajornartoornermik misigisaqartut soorlu nalaatat, ajutoornerit, angajoqqaavisa avinnerat imaluunniit angerlarsimaffinni ingerlanerliorfiusuni peroriartortut persuttaanermik atornerluinermillu nalaataqartut, pisinnaatitaaffigivaat tarnikkut ajornartorsiutitik ikorsiiffigineqarnissaannik.

Taamaattoq meeqqat tarnikkut ikiortinnissaminnik ajornakusoortitseriataartarpot, inersimasortatik tarnikkut ajornartorsiutilinnut annertuumik annilaangassuteqarmata paquminartutullu isigisarlugu:

"Naliginnaasumik isigalugu inersimasut akornanni annertuumik kanngugineqarpoq, eqqartussallugu annilaangagineqarluni, tarnikkullu ingerlanerliorneq paasisaqarfigisimanagu. Ajornartorsiut uaniippoq, tassalu meeqqat inuusuttullu tarnikkut ikiortariallit taamaasillutik ikiorneqanngitsooriataarsinnaammata", Aviâja Egede Lynge oqarpoq.

Tarnikkut ajornartorsiorneq pillugu meeqqanik inuusuttunillu ikorsiisinnaanerput ammanerusumik pissuseqarluta eqqartussagipput ujartorpaa.

HS-Analyse-miit oqaaseqaat, Meeqqat Illersuisuat Aviâja Egede Lynge suliareqquneqarsimasoq, takutippaa, apersoneqarsimasut isumaqartut, meeqqat inuusuttullu tarnikkut ikiorserneqartariaqartut periarfissakippallaartut.

Tamannalu Aviâja Egede Lynge malillugu takutippaa, inersimasut meeqqanik inuusuttunillu ikiorseerussutut, qanorlu ikuissallutik nalornerpasittut, ikiortissappata sumut saaffiginnissallutik nalornigamik.

Misissuinerup aamma takutippaa, apersoneqarsimasut tarnikkut nappaateqarneq pillugu kissaatigisimagaat ammanerusumik eqqartuisoqassasoq, tamannalu Meeqqat Illersuisuata nuannarivaa:

"Apersoneqartut kissaataat tarnikkut nappaateqarneq pillugu ammanerulissasugut, uanga ajunngitsutut isigaara. Tamannami takutippaa, innuttaasut inersimasortai ilisimasaqarnerusut, qanoq ilinerani ikuuttoqartassanersoq ilisimaqqullugu – imminuinnaq pinnani – kisianni meeqqat inuusuttullu allat aamma tarnikkut ikiortariallit ilanngullugit,"

Tarnikkut ikiuneq qanoq paasisariaqarpa?

Inuppassuaqarpoq aliasunnermik ajornartoornermillu misigisaqartartut, tamannalu inuunerup naliginnaasumik ilagiinnarpaa. Amerlanerpaat ajunngitsumik qaangertarpaat. Taamaattoq ataasiakkaatigut ima aliasutsigisinnapput ajornartoortilluunniit, allaat ulluinnarni initunerpaalerluni inummullu pineqartumut ima sunnertigalugu, allaat imminut isumagisinnaajunnaarluni. Taamaalinerani pingaaruteqarpoq ikiortissarsiussalluni.

Tarnikkut ikuinerup aamma pinaveersaarsinnaavaa meeqqat inuusuttullu tarnikkut ajornartuulernerat, tarnikkullu ajornartooreersut ikiorsissallugit. Ilikkarsinnaavaat misigissutsikkut, eqqarsaatikkut iliuutsikkullu nammineq nalaatistik oqimaatsut, aammalu allat taamaattoqataannik misigisallit paasisinnaallugit. Aammattaaq iluaqtigissavaat kingusinnerusukkut inuunermi ajornatoornissartik qanorlu iliuuseqarnikkut qaangerniarneqarsinnaanersut:

"Tamanna pingaaruteqarpoq, tassami meeqqat eqqartuinnaavippagut nunatta isumalluutigigaat. Qanorluunniit amerlatigisunik aallarnisaalluta iliuuseqarsinnaavugut soorlu assersuutigalugu atuarfimmi sunngiffimmilu, kisianni meeqqat ingerlanerluppata, taava meeqqat allat ilagalugit naligiissumik peqataasinnaanngillat. Tarnikkut ikiortinnissartik pisariaqartippaat naliginarmik inuuneqalissappata. Taamaattoqassappat taava pisariaqassaaq, uagut inersimasut pingarnerpaamik ilisimalertariaqaratsigu tarnikkut ikiuneq qanoq ittuunersoq, ikiuneq meeqqanut piuminarninngorlugu aaqqissortariaqassavarput aammalu tarnikkut ajornartoorneq ammasumik atituumillu oqaluuseralugu. Taamaaliornitsinni meerartavut inuusuttortavullu ikiorluarnerussavagut inuunerminni ajornartooqanerminni aliasunnerminnilu qaangiilluarnerutillugit," Aviâja Egede Lynge naggasiivoq.

HS-Analyse misissuinerminni innuttaasunut agguaqatigiissillugit sinniisuusut assigiinngitsunik apeqquteqarfigisimavaat, paasiniarlugu tarnikkut ajornartoornermillu nalaataqaraanni ilisimaneraat qanoq ikiortittoqarsinnaanersoq.



Meeqqat tamarmik naleqarpuit

Alle børn er værdifulde

All children are valuable

Misissuinerup takutippaa Nunatsinni innuttaasut naliginnaasumik qanoq paasinnittaaseqarnersut meeqqat inuuusuttullu tarnikkut ajornartorsioraangata.

Asannittumik inuulluaqqusillunga

Aviâja Egede Lynge

Meeqqat Illersuisuat

Børnetalsmand

Avi@mio.gl

Tlf.: 531274

MIO

Meeqqat pisinnaatitaaffiinik sullissivik
Børnerettighedsinstitution
National Advocacy for Children Rights

Postboks 1290

Quillilerfik 2, nr. 801-2
3900 Nuuk
Kalaallit Nunaat • Grønland • Greenland

Tel.: +299 34 69 40

Mail: mio@mio.gl
www.mio.gl